

Bergen, 29.3.1985  
LG/THH

MELDING FRA FISKERIDIREKTØREN

J. 45/85  
(JFR. J. 12/85)

ENDRING I FORSKRIFT AV 2. JANUAR 1985 OM REGULERING AV REKEFISKET VED VEST- OG AUST-GRØNLAND I 1985.

Fiskeridepartementet har med heimel i lov av 3. juni 1983 nr. 40 om saltvannsfiske m.v. §§ 4 og 5, og i lov av 16. juni 1972 nr. 57 om regulering av deltagelsen i fisket § 6, femte ledd, den 22. mars 1985 bestemt:

I

I forskrift av 2. januar 1985 (nr. 1) om regulering av rekefisket ved Vest- og Aust-Grønland i 1985 gjer ein fylgjande endringar:

§ 5, 1. ledd skal lyde:

Deltakende fartøy skal melde frå til Fiskeridirektoratet før avgang til feltet, og skal sende kopi til Fiskeridirektoratet av dei meldingane om innseiling i sona, vekefangst og utseiling frå sona som dei er pålagde å sende etter gjeldane fiskerireglar i grønlandsk sone.

§ 5, andre ledd (nytt) skal lyde:

I den grønlandske sona ved Aust-Grønland kan ikkje fleire enn 15 farty fiske samstundes. For å gjennomføre denne avgrensinga i deltagkinga i fiske etter reke ved Aust-Grønland kan Fiskeridirektøren forby farty å gå inn i sona, pålegge farty å gå ut av sona og inndele fartya i puljer eller tildele fartya tørn-nummer.

§ 6 skal lyde:

Fiskeridirektøren kan fastsetje ein dato som siste frist for å starte fisket ved Aust-Grønland. Farty som ikkje har starta fisket innan ein slik fastsett frist, misser den kvoten som er tildelt etter §§ 2 og 4.

Den del av den norske totalkvoten på 2050 tonn som var tildelt farty som ikkje starta fisket innan fristen skal delast i samsvar med reglane i §§ 2 og 4 på dei fartya som har starta fisket ved Aust-Grønland. Farty som på grunn av havari blir hindra frå å starte fiske ved Aust-Grønland innan fristen kan etter søknad også takast med ved fordelinga av kvoter etter denne paragrafen.

Fiskeridirektøren kan oppheve fartykvotane ved Aust-Grønland fastsett etter §§ 2, 4 og 6, 1. ledd. Etter at fartykvotane er oppheva kan deltakande farty fiske fritt fram til den totale kvoten på 2050 tonn er oppfiska.

## II

Denne forskrifta trer i kraft straks.

-----

Etter disse endringer har forskriftene denne ordlyden:

### FORSKRIFT OM REGULERING AV REKEFISKET VED VEST- OG AUST-GRØNLAND I 1985.

Med heimel i lov 3. juni 1983 nr. 40 om saltvannsfiske m.v. §§ 4 og 5 og i lov 16. juni 1972 nr. 57 om regulering av deltagelsen i fisket § 6, femte ledd, har Fiskeridepartementet 2. januar 1985 fastsatt denne forskrifta:

#### § 1

Det er forbode å fiske reker ved Vest-Grønland (NAFO-område 1) og i den grønlandske sona ved Aust-Grønland (ICES-område XIV og Va).

Utan hinder av forbodet i første ledd kan norske farty som er tildelt kvote i 1985 fiske 450 tonn reker ved Vest-Grønland i NAFO-område 1 sør for 68° n.br. og 2050 tonn reker i den grønlandske sona ved Aust-Grønland i ICES-områda XIV og Va.

#### § 2

Totalkvoten på 2050 tonn ved Aust-Grønland skal fordelast på dei deltagande farty etter inndeling i følgjande grupper på grunnlag av godkjend lastekapasitet:

- a) under 80 tonn
- b) 80 tonn til 99,9 tonn
- c) 100 tonn til 129,9 tonn
- d) 130 tonn til 159,9 tonn
- e) 160 tonn til 199,9 tonn
- f) 200 tonn og meir

Fartykvotane blir utrekna slik: 50% av totalkvoten blir delt med likt kvantum på kvart farty. Dei resterande 50% blir delte på fartya etter den gjennomsnittlege lastekapasiteten i gruppene.

Ikkje noko farty kan tildelast ein fartykvote som er større enn fartyet sin godkjende lastekapasitet.

## § 3

Totalkvoten på 450 tonn ved Vest-Grønland skal delast på farty som seinast 1. februar 1985 er påmeldte til Fiskeridirektøren for fiske ved Vest-Grønland i 1985. Dersom den samla godkjende lastekapasiteten til dei påmeldte fartya overstig 450 tonn, skal kvoten fordelast etter loddtrekking til 4 av dei påmeldte fartya med 112,5 tonn til kvart farty.

Dersom noko av dei uttrekte fartya har ein godkjend lastekapasitet som er mindre enn 112,5 tonn, skal fartyet sin kvote setjast lik den godkjende lastekapasiteten.

Den resterande delen av den norske totalkvoten skal då delast i høve til storleiken på lastekapasiteten til dei uttrekte fartya med godkjend lastekapasitet større enn 112,5 tonn.

Dersom det 1. februar 1985 ikkje er påmeldde farty for fiske ved Vest-Grønland med ein samla godkjend lastekapasitet på minst 420 tonn, blir det opna for fritt fiske frå den 4. februar 1985 fram til totalkvoten på 450 tonn er oppfiska.

## § 4

Fiskeridirektøren avgjer under kva gruppe det einskilde deltakande fartyet høyrer til, og fastset kvoten til det einskilde fartyet ved Vest-Grønland og Aust-Grønland.

Ved fastsetting av kvotar etter § 3 kan det gjerast slike justeringar som praktiske omsyn tilseier.

## § 5

Deltakende farty skal melde frå til Fiskeridirektoratet før avgang til feltet, og skal sende kopi til Fiskeridirektoratet av dei meldingane om innseiling i sona, vekefangst og utseiling frå sona som dei er pålagde å sende etter gjeldane fiskerireglar i grønlandske sone.

I den grønlandske sona ved Aust-Grønland kan ikkje fleire enn 15 farty fiske samstundes. For å gjennomføre denne avgrensinga i deltagninga i fiske etter reke ved Aust-Grønland kan Fiskeridirektøren forby farty å gå inn i sona, pålegge farty å gå ut av sona og inndele fartya i puljer eller tildele fartya tørn-nummer.

## § 6

Fiskeridirektøren kan fastsetje ein dato som siste frist for å starte fisket ved Aust-Grønland. Farty som ikkje har starta

fisket innan ein slik fastsett frist, misser den kvoten som er tildelt etter §§ 2 og 4.

Den del av den norske totalkvoten på 2050 tonn som var tildelt farty som ikkje starta fisket innan fristen skal delast i samsvar med reglane i §§ 2 og 4 på dei fartya som har starta fisket ved Aust-Grønland. Farty som på grunn av havari blir hindra frå å starte fisket ved Aust-Grønland innan fristen kan etter søknad også takast med ved fordelinga av kvoter etter denne paragrafen.

Fiskeridirektøren kan oppheve fartykvotane ved Aust-Grønland fastsett etter §§ 2, 4 og 6, 1. ledd. Etter at fartykvotane er oppheva kan deltakande farty fiske fritt fram til den totale kvoten på 2050 tonn er oppfiska.

#### § 7

Blir fartykvotane etter §§ 3 og 4 ved Vest-Grønland (NAFO-området 1) ikkje utnytta innan 15. august 1985 kl 0000 GMT, blir kvote-tildelingane oppheva, og deltakande farty kan fiske fritt fram til den totale kvoten på 450 tonn er oppfiska.

#### § 8

Fiskeridirektøren kan fastsetje nærmere forskrift om gjennomføring og utfylling av reglane i denne forskriften, under dette også forskrift om dagleg rapporteringsplikt, prøvetaking og tidspunkt for stopp i fisket når det blir utrekna at kvotene er oppfiska.

#### § 9

Brot på reglane i denne forskriften eller på reglar gitt med heimel i denne forskriften blir straffa etter reglane i lov 3. juni 1983 nr. 40 om saltvannsfiske m.v. § 53.

#### § 10

Denne forskriften vert sett i kraft 1. januar 1985, og gjeld til så lenge.

-----